



Coimisiún na Scrúduithe Stáit
State Examinations Commission

Scrúdú na hArdteistiméireachta, 2024
Eacnamaíocht
Gnáthleibhéal

Dé hAoine 21 Meitheamh Maidin 9:30 - 12:00

400 marc

Scrúduimhir

----------------------	----------------------	----------------------	----------------------	----------------------	----------------------

Dáta Breithe

		/			/		
----------------------	----------------------	---	----------------------	----------------------	---	----------------------	----------------------

Scríobh 3 Feabhra 2005
mar 03 02 05, mar shampla

Stampa an Ionaid

--

Treoracha

Tá **dhá** roinn sa pháipéar seo.

Tá 400 marc san iomlán ag gabháil leis an scrúdú seo.

Roinn A: 100 marc
Freagair **8** gceist as **10** gceist sa roinn seo.
Tá rogha inmheánach sna ceisteanna 2, 3 agus 4.

Roinn B: 300 marc
Freagair **4** cheist as **6** cheist.
Tá 75 marc ag gabháil le gach ceist sa roinn seo.

Scríobh do chuid freagraí le peann gorm nó le peann dubh.

Scríobh do chuid freagraí sna spásanna atá curtha ar fáil sa leabhrán seo. Tá spás le haghaidh obair bhreise i gcúl an leabhráin. Lipéadaigh aon obair bhreise go soiléir le huimhir agus le páirt na ceiste.

Scanfar an leabhrán scrúdaithe seo agus is ar scáileán a chuirfear do chuid oibre i láthair an scrúdaitheora. Is féidir nach bhfeicfidh an scrúdaitheoir aon rud a scríobhfaidh tú taobh amuigh de bhoscaí na bhfreagraí.

Tabharfaidh an feitheoir cóip den leabhrán Foirmlí agus Táblaí duit, má theastaíonn sé uait. Ní mór duit é a thabhairt ar ais ag deireadh an scrúdaithe. Níl cead agat do chóip féin a thabhairt isteach chuig an scrúdú leat.

Is ceadmhach áireamhain a úsáid.

Scríobh déanamh agus múnla d'áireamhain anseo:

Freagair 8 gceist as 10 gceist

Ceist 1

Tá Sprioc Forbartha Inbhuanaithe (SDG) 14 de chuid na Náisiún Aontaithe léirithe thíos. Is é an sprioc ná na haigéin, na farraigí agus na hacmhainní mara a chaomhnú agus a úsáid ar bhealach inbhuanaithe ar mhaithe le forbairt inbhuanaithe.



Arna chur in oiriúint ó sdgsun.org

- (i) Mínigh **cúis amháin** arb acmhainn luachmhar eacnamaíochta iad ár n-aigéin agus ár bhfarraigí.

Míniú:

- (ii) Tabhair breac-chuntas ar shlí amháin ar féidir le **daoine aonair** cuidiú chun an acmhainn luachmhar seo a chosaint.

Ceist 2

Tá Lidl ag tairiscint dearbháin lascaine (tairiscintí speisialta) anois do chustaiméirí a íoslódálann aip Lidl Plus.



- (a) Cuir in iúl le tic (✓) sa tábla thíos cé acu atá an beart thuas ina shampla d'iomaíocht praghsanna nó d'iomaíocht neamhpraghais a bheith in úsáid ag cuideachta. Mínigh do fhreagra.

iomaíocht praghsanna	
iomaíocht neamhpraghais	

Míniú:

NÓ

- (b) Mínigh cad é mar is féidir le custaiméirí Lidl tairbhe a bhaint as dearbháin lascaine (tairiscintí speisialta) a bheith á dtairiscint do chustaiméirí a íoslódálann aip Lidl Plus.

Míniú:

Ceist 3

- (a) Feidhmíonn siopaí caife in Éirinn in **iomaíocht mhonaplach**. Cuir in iúl le tic (✓) cé acu fíor nó bréagach atá na ráitis thíos, dar leat.

	Ráiteas	Fíor	Bréagach
1.	Tá bacainní iontrála i margadh na siopaí caife in Éirinn.		
2.	Claonann cuar an éilimh / cuar an mheánioncaim do chaife i siopa caife in Éirinn anuas ó chlé go deas.		

NÓ

- (b) San fhógraíocht iomaíoch, cuirtear chun cinn na buntáistí atá ag táirge cuideachta amháin ar tháirgí a cuid iomaitheoirí. Tabhair breac-chuntas ar dhá chúis a bhféadfadh sé tarlú **nach i gcónaí** a rachadh fógraíocht iomaíoch chun tairbhe don chustaiméir.

1.
2.

Ceist 4

Níl airgead á chur i leataobh i gciste lá na coise tinne ag 47% de theaghlaigh na hÉireann a bhfuil páistí óga iontu. Arna chur in oiriúint ó RTÉ

(a) Mínigh **fáth** amháin go mb'fhéidir nach bhfuil na teaghlaigh sin ag coigilt.

Míniú:

NÓ

(b) Tabhair breac-chuntas ar bheart amháin a d'fhéadfadh institiúidí airgeadais in Éirinn a dhéanamh le saoránaigh na hÉireann a spreagadh le coigilteas a dhéanamh.

Beart amháin:

Ceist 5

Cuir in iúl le tic (✓) cé acu an **iompórtálacha isteach** i ngeilleagar na hÉireann nó **easpórtálacha amach** ó gheilleagar na hÉireann iad seo thíos. Mínigh an fáth le do rogha i ngach cás.

		Iompórtáil	Easpórtáil	Fáth
1.	Feirmeoirí in Éirinn ag díol mairteola le margadh na Gearmáine			
2.	Turasóirí as Éirinn ag fanacht in óstáin sa Fhrainc			

Ceist 6

Tugadh isteach an Scéim Éarlaise agus Aisíoca ar an 1 Feabhra 2024.

(Nóta: Íocann an tomhaltóir éarlais ar a choimeádán dí agus nuair a thugtar an coimeádán ar ais go dtí an t-ionad bailiúcháin, tugtar éarlais an tomhaltóra ar ais.)

Breac cuntas gearr ar dhá thionchar a d'fhéadfadh an scéim seo imirt ar thomhaltóirí na hÉireann.

1.
2.


Ceist 7

Déan staidéar ar na ráitis thíos agus cuir in iúl le tic (✓) sa bhosca ceart cé acu ráiteas díobh atá ina ráiteas dearfach agus cé acu ráiteas díobh atá ina ráiteas normatach.

Ráiteas	Dearfach	Normatach
Ó tugadh isteach an tobhach ar mhálaí plaisteacha tá laghdú tagtha ar líon na málaí plaisteacha a cheannaíonn tomhaltóirí nuair a bhíonn siad ag siopadóireacht.		
Ba chóir don rialtas an méid atá sa phinsean seanaoise a mhéadú chun leibhéal na bochtaineachta a laghdú.		

Ceist 8

Is tomhas í comhéifeacht Gini ar an éagothroime i ndáileadh ioncaim taobh istigh de thír. Léiríonn na sonraí thíos ón Eagraíocht um Chomhar agus Fhorbairt Eacnamaíochta (OECD) na comhéifeachtaí Gini do líon tíortha roghnaithe ó 2019 go 2021.



Arna chur in oiriúint ón OECD

Ó na sonraí atá tugtha, cuir in iúl sna boscaí thíos cén tír ina bhfuil an leibhéal is ísle éagothroime agus cén tír ina bhfuil an leibhéal is airde éagothroime.

(i)	An tír ina bhfuil an leibhéal is ísle éagothroime.	
(ii)	An tír ina bhfuil an leibhéal is airde éagothroime.	

Ceist 9

Léirítear sna sonraí thíos dhá mheastachán dhifriúla ón Roinn Airgeadais ar fhás gheilleagar na hÉireann in 2023.

Fíor-OTI	4.7%
Fíor-OIN	0.4%

Arna chur in oiriúint ón Tuar Eacnamaíoch & Fioscach


Comhlánaigh an tábla seo le cur in iúl cad dó a seasann na giorrúcháin.

O _____	T _____	Intíre
O _____	Ioncam	N _____

Ceist 10

Is féidir le tae matcha cabhrú chun cuimhne duine a fheabhsú, agus strus agus imní a laghdú.

Arna chur in oiriúint ó The New York Times



Glac leis go bhfuil margadh tae matcha i gcothromaíocht (C1).

Cuir in iúl le tic (✓) cibé acu Léaráid A nó Léaráid B a léiríonn a staid nua cothromaíochta sa mhargadh tar éis clúdach sna meáin ar a **iarbhairtí dearfacha ar an tsláinte**.

Léaráid A	
Léaráid B	


Mínigh do fhreagra, agus luaigh na hiarbhairtí ar an bpraghas cothromaíochta **agus** ar an gcainníocht chothromaíochta.

Míniú:

Freagair 4 cheist as 6 cheist

Ceist 11

- (a) Taispeántar ar an gcairt thíos arduithe ar phraghas an leictreachais ó roinnt soláthraithe ó 2020 go 2022.



Arna chur in oiriúint ó SEAI

- (i)
- | | |
|--|--|
| Cén chuideachta a raibh an t-ardú praghais ba mhó aici? | |
| Cén chuideachta a raibh an t-ardú praghais ba lú aici? | |


- (ii) Breac cuntas gearr ar thionchar eacnamaíochta amháin a d'fhéadfadh a bheith ag na harduithe seo ar ghnólachtaí in Éirinn.

Tionchar amháin:

- (iii) Le linn gheimhreadh 2023–2024, thug rialtas na hÉireann creidmheas €450 do gach líon tí le haghaidh a mbillí leictreachais. Cén fáth a ndearna an rialtas é sin, dar leat?

Fáth:

(b) Taispeántar sa léaráid thíos cothromaíocht fhadtréimhseach gnólachta atá in **Olagaplacht**.



(i) Scríobh amach ina iomláine céard dó a seasann na trí lipéad seo a leanas.

É=MI	
CI	
II	

(ii) Tarlaíonn cothromaíocht ag **pointe E** ar an léaráid thuas.

Ar an léaráid thuas taispeáin agus lipéadaigh go soiléir:

- An t-aschur a tháirgfidh an gnólacht i gcothromaíocht (úsáid an lipéad **C₁**)
- An praghas a ghearrfaidh an gnólacht ar a aschur (úsáid an lipéad **P₁**).

Is sampla de mhargadh olagaplach é margadh an leictreachais in Éirinn.

(iii) Tabhair sampla amháin eile de mhargadh olagaplach in Éirinn **agus** mínigh an chúis atá le do rogha.

Sampla:
Cúis:

(c) D'fhág Panda Power margadh fuinnimh na hÉireann. Ba é an ceathrú cuideachta fuinnimh a d'fhág margadh na hÉireann.

(i) An bhfuil níos mó nó níos lú iomaíochta i margadh an leictreachais in Éirinn anois dá thoradh sin, dar leat? Cuir do thuairim in iúl le tic (✓) thíos agus mínigh do rogha.

Níos mó iomaíochta

☐

Níos lú iomaíochta

☐

Míniú:

(ii) Tabhair breac-chuntas ar dhá shlí inar féidir le saoránaigh in Éirinn gníomhú ar bhealach níos inbhuanaithe maidir leis an gcaoi a n-úsáideann siad fuinneamh.


1.

2.

75 marc

Ceist 12

In 2022, bhí líon na ndaoine a bhí fostaithe in Éirinn os cionn 2.5 milliún den chéad uair riamh.



Arna chur in oiriúint ón POS

- (a) (i) Ó na sonraí atá tugtha ar thaobh na láimhe clé den ghrafaic eolais thuas (an chuid oráiste), ríomh céatadán an ardaithe sa líon daoine a bhí fostaithe ó R4 2021 go R4 2022. Taispeáin do chuid oibre go léir.

Obair:
Céatadán an ardaithe:

- (ii) Breac cuntas gearr ar thairbhe eacnamaíochta amháin a d'fhéadfadh a bheith ag méadú ar an bhfostaíocht do gheilleagar na hÉireann.

Tairbhe:

- (b) (i) Tá ganntanas fostaithe oilte in earnálacha éagsúla de chuid gheilleagar na hÉireann faoi láthair. Mínigh an téarma eacnamaíochta **ganntanas** maidir leis an lucht saothair (le fostaithe).

Ganntanas:


- (ii) Tá ganntanas lucht saothair oilte i dtionscal na cógaisíochta le blianta beaga anuas. Mínigh **tionchar amháin** a d'fhéadfadh a bheith ag ganntanas lucht saothair ar an tionscal seo.

Míniú:

- (iii) Breac cuntas gearr ar bheart eacnamaíochta amháin a d'fhéadfadh rialtas na hÉireann a dhéanamh a chabhródh chun an líon oibrithe oilte sa gheilleagar a mhéadú.

Beart eacnamaíochta:

- (c) Taispeántar sa chart thíos na rátaí míosúla dífhostaíochta in Éirinn agus iad coigeartaithe de réir an tséasúir.



Arna chur in oiriúint ón POS

- (i) Aithin treocht fhoriomlán na dífhostaíochta in Éirinn agus úsáid figiúirí ón ngraf thuas.

Treocht:

Agus costais saothair ag méadú, tá sé dian ar roinnt gnólachtaí Éireannacha leanúint ar aghaidh ag feidhmiú.

- (ii) Breac cuntas gearr ar an tionchar a d'fhéadfadh an fhorbairt seo a bheith aici ar an dífhostaíocht in Éirinn.

Tionchar:

- (iii) Breac cuntas gearr ar chúis amháin a mbíonn roinnt daoine fós dífhostaithe fad is atá folúntais phoist i ngeilleagar na hÉireann.

Cúis:

75 marc

Ceist 13


(a) (i) Tugadh na sonraí thíos duit maidir le gnólacht.

Ar an ngrafpháipéar thíos tarraing agus lipéadaigh:

- na costais sheasta don ghnólacht seo
- na costais athraitheacha don ghnólacht seo.

Nóta: Ní mór duit ais na cainníochta agus ais na gcostas a chomhlánú/chríochnú.


Cainníocht (aonaid aschuir)	1	2	3	4
Costais Sheasta ina €	600	600	600	600
Costais Athraitheacha ina €	500	600	700	800



(ii) Mínigh an difear idir costais sheasta agus costais athraitheacha.
Tabhair sampla i ngach cás.

	Míniú	Sampla
Costais Sheasta		
Costais Athraitheacha		

- (b) Sa chairt thíos, léirítear an t-athrú céatadánach bliantúil ar bhoilsciú phraghas an bhia i dtíortha roghnaithe.



Arna chur in oiriúint ó Eurostat

(i)

Cén tír ina raibh an ráta boilscithe ab ísle i bpraghas an bhia?	
Cén tír ina raibh an ráta boilscithe ab airde i bpraghas an bhia?	

- (ii) Mínigh tionchar eacnamaíochta amháin a d'fhéadfadh boilsciú ar phraghas an bhia a bheith aige ar thomhaltóirí.

Tionchar eacnamaíochta:

- (c) Ardaíodh praghas an pháipéir leithris 15.6% in 2022. Tharla sin mar go raibh cuideachtaí a dhéanann páipéar leithris ag úsáid amhábhair atá neamhdhíobhálach don timpeallacht ach a bhí níos costasaí. Is sampla é seo de bhoilsciú de bharr costbhrú.

Arna chur in oiriúint ó RTE.ie

- (i) Mínigh cad is brí leis an téarma eacnamaíochta boilsciú de bharr costbhrú.

Boilsciú de bharr costbhrú:

- (ii) Ar chóir do dhéantúsóirí, mar chuidachtaí a dhéanann páipéar leithris, amhábhair a úsáid atá **níos costasaí** ach atá neamhdhíobhálach don timpeallacht, dar leat? Cuir do thuairim in iúl le tic (✓) thíos agus mínigh do rogha.

Ba chóir	☐
----------	--------------------------

Níor chóir	☐
------------	--------------------------

Míniú:


- (iii) Tá an Banc Ceannais Eorpach (ECB) buartha faoi na rátaí boilscithe i limistéar an euro. Mínigh an fáth a bhfuil BCE (ECB i mBéarla) buartha faoi rátaí boilscithe, dar leat.

Míniú:

75 marc

Ceist 14

Léirítear sa chart thíos leibhéil mheasta chaiteachais Rialtas na hÉireann i roinnt réimsí in 2023.



Arna chur in oiriúint ón Roinn Airgeadais

- (a) (i) Úsáid na figiúirí sa chart thuas agus freagair na ceistanna seo a leanas.
Taispeáin do chuid oibre go léir.

Ceist	Obair agus Freagra
Ríomh cé mhéad a bhí beartaithe ag an rialtas a chaitheamh san iomlán , ina €bn, sna 5 réimse thuas.	
Úsáid do fhreagra ar (i) thuas agus ríomh cén céatadán (%) de chaiteachas iomlán an rialtais a bhí beartaithe a chaitheamh ar an Oideachas .	

- (ii) Meastar go ndéanfaidh Éire ranníocaíocht €2 billiún le buiséad an AE in 2024. Tabhair breac-chuntas ar chúis amháin a ndéanann rialtas na hÉireann **ranníocaíocht le Buiséad an AE**.

Cúis amháin:

- (iii) Tabhair breac-chuntas ar an rud is brí leis an téarma eacnamaíochta fiachas náisiúnta.

Fiachas náisiúnta:

(b) Is é ráta caighdeánach na cánach breisluacha (CBL) ar earraí agus ar sheirbhísí in Éirinn ná 23%. I gcás earraí áirithe, ar a n-áirítear bainne, arán, leabhair, éadaí do pháistí agus áiseanna míchumais, is 0% an ráta CBL.

(i) Tabhair breac-chuntas ar chúis amháin a ngearrann an rialtas CBL ar ráta 0% ar an raon earraí atá luaite thuas.

Cúis amháin:

(ii) Cuir in iúl le tic (✓) thíos cé acu atá CBL ina shampla de cháin dhíreach **nó** de cháin indíreach. Mínigh do rogha.

Cáin dhíreach	☐
Cáin indíreach	☐

Míniú:

(iii) I mí Feabhra 2023, d'fhógair an rialtas go mbeadh an ráta CBL 9% do thionscal na turasóireachta agus an fháilteachais á ardú ar ais go dtí 13.5% arís ón 1 Meán Fómhair 2023.

An aontaíonn tú gur cheart go mbeadh ráta CBL 13.5% á ghearradh ar thionscal na turasóireachta agus an fháilteachais?

Cuir (✓) tic le do rogha.

Aontaím	☐
---------	--------------------------

Ní aontaím	☐
------------	--------------------------

Mínigh do fhreagra.

Míniú:

(c) Sa tábla thíos, léirítear trádáil earraí na hÉireann in 2021.

Easpórtálacha	Iompórtálacha
An Ríocht Aontaithe €18.1 billiún	An Ríocht Aontaithe €19.5 billiún
Na Stáit Aontaithe €52.6 billiún	Na Stáit Aontaithe €18.1 billiún
An tAontas Eorpach €61.7 billiún	An tAontas Eorpach €34.6 billiún
An Chuid Eile den Domhan €33.3 billiún	An Chuid Eile den Domhan €31.5 billiún
Easpórtálacha Iomlána €165.7 billiún	Iompórtálacha Iomlána €103.7 billiún

Arna chur in oiriúint ón POS

- (i) Úsáid an t-eolas sa tábla thuas agus ríomh comhardú trádála na hÉireann in 2021. Cuir in iúl le tic (✓) cé acu an barrachas nó easnamh a bhí ann.
Taispeáin do chuid oibre go léir. Mínigh do fhreagra.

Obair:			
Freagra:	Barrachas: ☐	nó	Easnamh: ☐
Míniú:			

- (ii) Tabhair breac-chuntas ar dhá chúis a bhfuil **easpórtálacha** tábhachtach do gheilleagar na hÉireann.

1.
2.


75 marc

Ceist 15

- (a) Baineann an tábla thíos le tosca táirgeachta is féidir a fháil ar fheirm.
Comhlánaigh an tábla agus **ainmnigh** nó **mínigh** gach toisc tháirgeachta.
Tá codanna áirithe den tábla déanta duit cheana féin.

Sampla	Ainm na Toisce Táirgeachta	Míniú ar an Toisc Tháirgeachta
Innealra Feirme		Rud ar bith de dhéantús an duine a úsáidtear i dtáirgeadh earraí agus seirbhísí/maoine.
Oibrithe feirme		An iarracht dhaonna a ghabhann le táirgeadh earraí ar an bhfeirm.
Úinéirí feirme		
Talamh feirme	Talamh	

- (b) Sa léaráid thíos léirítear cuar an éilimh agus cuar an tsoláthair i gcás aschur fheirmeacha na hÉireann.



Tháinig ardú 97.7% ar praghas an leasacháin in Éirinn sa 12 mhí go Deireadh Fómhair 2022.
Arna chur in oiriúint ón POS

- (i) Dá bharr sin chuaigh praghas méadaithe an leasacháin i bhfeidhm ar an soláthar i gcás aschur feirmeacha in Éirinn. Taispeáin tionchar na forbartha seo **ar an léaráid thuas**.
- (ii) Mínigh do fhreagra.

Míniú:

- (iii) Is féidir bainne almóinní a rangú mar earra ionaid do bhainne bó.
Mínigh cad is brí leis an téarma eacnamaíochta **earra ionaid**.

Míniú:

- (c) (i) Úsáid an fhoirmle thíos agus ríomh **praghasleasteachas an éilimh** do thomhaltóirí nuair a athraíonn praghas barra seacláide de bharr méadú ar chostais táirgthe. **Taispeáin do chuid oibre go léir.**

$$\frac{\Delta Q}{\Delta P} \times \frac{P1 + P2}{Q1 + Q2}$$

	Barraí seacláide	Praghas (€)
Roimh an méadú	90 barra	100 cent
I ndiaidh an mhéadaithe	50 barra	140 cent
Athruithe	- 40 barra	+ 40 cent

Obair:
Freagra:


- (ii) Cuir in iúl cé acu an **praghasleasteach** nó **praghas-neamhleasteach** atá an t-éileamh ar bharra seacláide. Mínigh do fhreagra.

Freagra:
Míniú:

75 marc

Ceist 16

- (a) De réir na Náisiún Aontaithe, shroich daonra an domhain 8 mbilliún in 2022. Léirítear sa chairt thíos an fás ar dhaonra an domhain ó 1804 i leith.



Arna chur in oiriúint ó na Náisiún Aontaithe

- (i) Tabhair breac-chuntas ar chúis amháin a bhfuil daonra an domhain tar éis fás chomh tapa sin ó 1804, dar leat.

Cúis amháin:

- (ii) I roinnt tíortha, tá go leor daoine os cionn 65 bliain d’aois ag súil le bheith mar chuid den dream “**díscortha**”, i.e. **teastaíonn uathu filleadh ar an obair**.

Arna chur in oiriúint ó the Irish Times

Tabhair breac-chuntas ar thionchar amháin ar gheilleagar na hÉireann dá bhfillfeadh níos daoine os cionn 65 bliain d’aois ar an obair.

Tionchar:

- (iii) Tá daonra na hÉireann ag dul in aois níos tapa ná áit ar bith eile san Eoraip. Tabhair breac-chuntas ar thionchar eacnamaíoch amháin a bheidh aige seo ar Rialtas na hÉireann.

Tionchar eacnamaíoch:

- (b) Anuraidh bailíodh €22.6bn i gCáin Chorporáide, ardú nach mór 50% ar an mbliain roimhe sin – den chéad uair riamh, seo an dara foinse is mó d’ioncam cánach.

Arna chur in oiriúint ó gov.ie

- (i) Anois tá an Cháin Chorporáide ar an dara foinse ioncaim cánach is mó in Éirinn. Tabhair breac-chuntas ar **riosca** féideartha amháin ón bhforbairt seo do gheilleagar na hÉireann.

Riosca don gheilleagar:

- (ii) Tá ráta cánach corparáide na hÉireann ar tí ardú ó 12.5% go 15% mar chuid de shocrú domhanda.

Arna chur in oiriúint ó the Irish Times.

Tabhair breac-chuntas ar **bhuntáiste eacnamaíochta** amháin agus ar **mhíbhuntáiste eacnamaíochta** amháin a d’fhéadfadh a bheith ann de bharr an mhéadaithe seo ar ráta na cánach corparáide.

Buntáiste eacnamaíochta:
Míbhuntáiste eacnamaíochta:

- (c) San eolas thíos, tugtar sonraí a bhaineann le rialacha nua a thug Banc Ceannais na hÉireann isteach maidir leis an méid is féidir le daoine a fháil ar iasacht nuair atá siad ag ceannach tí den chéad uair.

2022	Is féidir le ceannaitheoirí céaduaire tí suas le 3.5 oiread a n-ollioncaim a fháil ar iasacht.
2023	Is féidir le ceannaitheoirí céaduaire tí suas le 4 oiread a n-ollioncaim a fháil ar iasacht.

- (i) Cuir in iúl le tic (✓) thíos cé acu tionchar dearfach **nó** tionchar diúltach, dar leat, atá ag na rialacha nua maidir le hiasachtaí morgáiste tar éis a bheith acu ar cheannaitheoirí céaduaire tí / ar mhargadh na tithíochta in Éirinn. Mínigh do fhreagra.

Dearfach: ☐

Diúltach: ☐

Míniú:

Faoi láthair tá os cionn dhá mhilliún duine in Éirinn ag úsáid Revolut, cuideachta Fintech, agus tá sé ar tí teacht isteach i margadh na morgáistí, is é sin, beidh iasachtaí le haghaidh morgáistí á thairiscint aige do thomhaltóirí in Éirinn.

Arna chur in oiriúint ó [rte.ie](https://www.rte.ie)

- (ii) Tabhair breac-chuntas ar thionchar eacnamaíochta amháin a d'fhéadfadh a bheith ann do dhaoine atá ag lorg morgáiste in Éirinn de bharr Revolut a bheith ina iasachtóir le haghaidh morgáistí.

Tionchar eacnamaíochta:

75 marc

Leathanach Breise más rogha leat é a úsáid.
Cuir in iúl go soiléir uimhir na ceiste agus an pháirt den cheist atá á freagairt agat.

[illegible]

Leathanach Breise más rogha leat é a úsáid.
Cuir in iúl go soiléir uimhir na ceiste agus an pháirt den cheist atá á freagairt agat.

[illegible]

Leathanach Breise más rogha leat é a úsáid.
Cuir in iúl go soiléir uimhir na ceiste agus an pháirt den cheist atá á freagairt agat.

[illegible]

Leathanach Breise más rogha leat é a úsáid.
Cuir in iúl go soiléir uimhir na ceiste agus an pháirt den cheist atá á freagairt agat.

[illegible]

Ná scríobh ar an leathanach seo

Fógra cóipchirt

D'fhéadfadh sé go bhfuil téacsanna nó íomhánna sa scrúdpháipéar seo nach é Coimisiún na Scrúduithe Stáit úinéir an chóipchirt orthu, agus d'fhéadfadh sé gur athchóiríodh iad, chun críche an mheasúnaithe, gan cead na n-údar a fháil roimh ré. Ullmhaíodh an scrúdpháipéar seo de réir Alt 53(5) den *Acht um Chóipcheart agus Cearta Gaolmhara, 2000*. Ní údaraítear aon úsáid dá éis chun aon chríche ach amháin chun na críche dá bhfuil sé beartaithe. Ní ghlacann an Coimisiún aon dliteanas as sárú ar bith ar chearta tríú páirtí a eascraíonn as dáileadh ná as úsáid neamhúdairithe an scrúdpháipéir seo.

Scrúdú na hArdteistiméireachta – Gnáthleibhéal

Eacnamaíocht

Dé hAoine 21 Meitheamh

Maidin 9:30 - 12:00